

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 29 OKTOBER 2013, PUKUL 10.00 PAGI

Bil. 31

PERTANYAAN-PERTANYAAN BAGI JAWAB LISAN

1. PR-1313-L58581
Dato' Noraini binti Ahmad [Parit Sulong] minta **MENTERI DALAM NEGERI** menyatakan apakah tindakan dan program yang dijalankan oleh Kerajaan terhadap wanita tempatan yang menjadi mangsa pemerdagangan manusia.
2. PR-1313-L57961
Puan Kasthuriraani a/p Patto [Batu Kawan] minta **MENTERI BELIA DAN SUKAN** menyatakan adakah inisiatif realistik untuk menubuhkan pasukan-pasukan khas untuk menangani masalah 'rempit' di Malaysia, kos yang terlibat untuk menangani masalah ini serta usaha menangani gejala "*dropout*" dari sekolah yang biasanya akan direkrut ke dalam geng jenayah.
3. PR-1313-L58883
Datuk Johari bin Abdul Ghani [Titiwangsa] minta **MENTERI WILAYAH PERSEKUTUAN** menyatakan :-
 - (a) bajet kewangan DBKL bagi Tahun 2013 adalah berjumlah RM2.188 bilion ringgit. Daripada jumlah ini, berapakah peruntukan yang diagihkan bagi tujuan penyelenggaraan Perumahan Awam (PA) dan Projek Perumahan Rakyat (PPR) yang dilihat memerlukan penyelenggaraan berkala bagi menjamin keselesaan dan keselamatan penduduk ; dan
 - (b) berapa pula jumlah peruntukan pihak DBKL untuk tujuan kebersihan di Bandaraya Kuala Lumpur.
4. PR-1313-L57227
Dato' Mansor bin Othman [Nibong Tebal] minta **MENTERI PERTANIAN DAN INDUSTRI ASAS TANI** menyatakan usaha-usaha yang dilakukan oleh Kementerian untuk memajukan tanah terbiar di seluruh negara yang berpotensi dimajukan untuk projek-projek pertanian.

5. PR-1313-L58260
Dato' Sri Liow Tiong Lai [Bentong] minta **MENTERI PENGANGKUTAN** menyatakan status jawatankuasa khas yang telah ditubuhkan untuk menyiasat punca kemalangan bas Genting Highlands pada 21 Ogos serta menjelaskan mengapa pemandu bas yang disahkan mempunyai rekod kesalahan dibenarkan memandu bas tersebut. Apakah langkah-langkah yang akan diambil oleh pihak Kementerian agar kejadian sebegini tidak akan berulang lagi.
6. PR-1313-L57438
Dr. Hajah Siti Mariah binti Mahmud [Kota Raja] minta **PERDANA MENTERI** menyatakan jumlah rakyat berpendapatan rendah yang berdaftar dengan pengkalan daftar e-KASIH dan sejauh mana dan bagaimana data dan sistem e-KASIH ini dimanfaatkan dalam menjejak dan membantu golongan ini.
7. PR-1313-L58699
Datuk Haji Shabudin bin Yahaya [Tasek Gelugor] minta **MENTERI PENDIDIKAN** menyatakan apakah status cadangan pembangunan Sek. Men. Keb. Agama (SMKA) di Seberang Perai Tengah dan kemudahan lain yang berkaitan di atas tapak No. H.S(D) 48862, Lot PT11, Mukim 18 Daerah Seberang Perai Utara. Sekiranya ada, bilakah cadangan ini akan dilaksanakan.
8. PR-1313-L58808
Dr. Tan Seng Giaw [Kepong] minta **MENTERI KERJA RAYA** menyatakan jumlah tempoh pelaksanaan dan usaha memperbaiki MRR2 Kepong, jumlah kosnya, kontraktor-kontraktor dan pampasan yang dituntut kerana kerja memperbaiki keretakkannya.
9. PR-1313-L57878
Tuan Wilson Ugak Kumbong [Hulu Rajang] minta **MENTERI KESIHATAN** menyatakan jumlah doktor pakar yang berkhidmat di Hospital Kapit dan Hospital Belaga dan adakah pihak Kementerian bercadang untuk membesarkan saiz kedua-dua hospital ini bagi menampung jumlah pesakit yang semakin bertambah di kawasan ini.
10. PR-1313-L57692
Dato' Ngeh Koo Ham [Beruas] minta **MENTERI PERTANIAN DAN INDUSTRI ASAS TANI** menyatakan kenapa Kementerian masih mahu memestikan jaring pukat tunda 38 mm digunakan bermula 1 November 2013 ini sungguhpun bot tunda sekarang ini dimestikan beroperasi di luar 5 batu nautical dan perairan 5 batu nautical ini sudah mencukupi untuk pembiakan kehidupan laut.
11. PR-1313-L58221
Dato' Hasbullah bin Osman [Gerik] minta **PERDANA MENTERI** menyatakan berapakah jumlah biasiswa yang dianugerah dalam tempoh 5 tahun untuk penerima dalam dan luar negara. Nyatakan bilangan serta jumlah penerima mengikut kaum dalam tempoh berkenaan.

12. PR-1313-L58814
Puan Hajah Zuraida binti Kamaruddin [Ampang] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah usaha-usaha yang telah diambil dan keberkesanannya dalam meningkatkan kebajikan dan kehidupan orang asli, terutamanya golongan Penan di Sarawak.
13. PR-1313-L58191
Datuk Madius Tangau [Tuaran] minta **MENTERI TENAGA, TEKNOLOGI HIJAU DAN AIR** menyatakan berapakah jumlah peruntukan yang telah dibelanjakan dalam masa 5 tahun yang lalu untuk menyelesaikan masalah bekalan elektrik di Sabah secara tuntas dan berapakah peruntukan untuk tujuan yang sama dalam tempoh 3 tahun akan datang.
14. PR-1313-L58404
Tuan Su Keong Siong [Ipoh Timor] minta **MENTERI PENDIDIKAN** menyatakan adakah Kerajaan sedang atau akan menjalankan sebarang kajian, rundingan dan konsultasi dengan “*stakeholder-stakeholder*” untuk menggubal polisi-polisi dan atau melaksanakan rancangan untuk menambah-baik standard dan prestasi IPTA-IPTA kita.
15. PR-1313-L58492
Datuk Ir. Dr. Wee Ka Siong [Ayer Hitam] minta **MENTERI PENDIDIKAN** menyatakan :-
 - (a) bilakah 27 buah IPGM akan dinaik taraf sebagai Universiti Pendidikan Guru Malaysia (UPGM); dan
 - (b) adakah UPGM yang diwujudkan ini menyerupai model UiTM yang mempunyai sebuah kampus induk dan selebihnya adalah cawangan dan apakah bidang kebitaraan bagi setiap kampus UPGM.
16. PR-1313-L58238
Tuan Tan Kok Wai [Cheras] minta **MENTERI WILAYAH PERSEKUTUAN** menyatakan apakah perancangan agar bandaraya-bandaraya utama di negara ini dapat mencapai *Livable City Index* yang tinggi. Apakah strategi dan langkah yang telah diambil demi memastikan Kuala Lumpur melonjak ke tangga 20 *Livable City Index* pada tahun 2020.
17. PR-1313-L57679
Dato Sri Dr. Muhammad Leo Michael Toyad Abdullah [Mukah] minta **PERDANA MENTERI** menyatakan apakah rancangan Kerajaan untuk meningkatkan pengangkutan awam di seluruh negara.
18. PR-1313-L58329
Tuan Wong Sze Phin @ Jimmy [Kota Kinabalu] minta **MENTERI DALAM NEGERI** menyatakan adakah Kerajaan berhasrat untuk membuat pendaftaran kad pengenalan baru khas untuk menyelesaikan masalah pendatang asing tanpa izin yang tidak berkelayakan tetapi telah memiliki kad pengenalan.

19. PR-1313-L58521
Tuan Wong Ling Bui [Sarikei] minta **MENTERI PERTANIAN DAN INDUSTRI ASAS TANI** menyatakan apakah jenis-jenis subsidi daripada Kementerian yang masih diberikan kepada petani-petani di negara ini terutama di negeri Sarawak khasnya di kawasan Parlimen Sarikei untuk membantu mereka meningkatkan produktiviti serta daya penghasilan tanaman.
20. PR-1313-L57769
Tuan M. Kulasegaran [Ipoh Barat] minta **PERDANA MENTERI** menyatakan sama ada Kerajaan berhasrat untuk mengikuti teladan yang ditunjukkan oleh Kerajaan Negeri Pulau Pinang di mana menyediakan peruntukan projek-projek kecil untuk parti pembangkang. Nyatakan sebab-sebab sekiranya tidak setuju.
21. PR-1313-L58584
Datuk Dr. Makin @ Marcus Mojigoh [Putatan] minta **MENTERI PENDIDIKAN** menyatakan :-
- (a) apakah pendirian Kementerian ke atas isu guru di SMK Engku Hussain, Semenyih yang menyuruh murid balik ke India dan China kerana tidak menyanyikan lagu Negaraku; dan
 - (b) tindakan yang diambil ke atas individu tersebut dan tindakan bagi menangani isu melampau sebegini daripada berulang lagi.
22. PR-1313-L57308
Dr. Azman bin Ismail [Kuala Kedah] minta **MENTERI PENDIDIKAN** menyatakan pihak manakah yang bertanggungjawab mendirikan Johns Hopkins University Malaysia. Mengapakah Johns Hopkins dibenarkan mendirikan fakulti perubatan di Malaysia sedangkan Kerajaan telah mengenakan moratorium terhadap penubuhan fakulti perubatan baru.
23. PR-1313-L58137
Tuan Che Mohamad Zulkifly bin Jusoh [Setiu] minta **MENTERI PERDAGANGAN ANTARABANGSA DAN INDUSTRI** menyatakan sejauh manakah kemajuan cadangan membina kilang bioteknologi bagi penghasilan bio-metionina di Kertih, Terengganu dan nyatakan bilakah kilang ini akan beroperasi serta nyatakan peluang pekerjaan yang dapat diwujudkan khususnya untuk anak Terengganu.
24. PR-1313-L59022
Puan Siti Zailah binti Mohd Yusoff [Rantau Panjang] minta **MENTERI PERDAGANGAN ANTARABANGSA DAN INDUSTRI** menyatakan apakah langkah perlindungan untuk melindungi sektor yang mudah terjejas jika TPPA dilaksanakan seperti sektor industri automobil dan pengeluaran beras tempatan yang bakal menghadapi saingan hebat dari produk dari negara maju.

25. PR-1313-L58269
Datuk Ikmal Hisham bin Abdul Aziz [Tanah Merah] minta **MENTERI BELIA DAN SUKAN** menyatakan status perkembangan IKBN Tanah Merah yang terbengkalai. Apakah nama kontraktor yang dilantik untuk meneruskan projek IKBN yang terbengkalai ini.
26. PR-1313-L58349
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan :-
- (a) jumlah peningkatan hasil cukai yang akan dikumpul dengan pelaksanaan cukai GST; dan
 - (b) apakah kos tambahan yang diperlukan oleh pihak Kerajaan untuk menanggung pelaksanaan dan operasi sistem percukaian GST.
27. PR-1313-L57756
Tuan Haji Hasbi bin Haji Habibollah [Limbang] minta **MENTERI PELANCONGAN DAN KEBUDAYAAN** menyatakan dapatkah Kementerian menambah peruntukan untuk pembinaan perpustakaan desa di negeri Sarawak.
28. PR-1313-L57103
Tuan Ng Wei Aik [Tanjong] minta **MENTERI PENGANGKUTAN** menyatakan kos-kos yang terlibat dalam pengambilalihan sistem AES daripada ATES Sdn. Bhd. dan Beta Tegap Sdn. Bhd. dan sama ada saman-saman yang dikeluarkan sebelum pengambilalihan dapat dibatalkan memandangkan terdapat kecacatan sistem tersebut dari segi perundangan.
29. PR-1313-L57460
Datuk Chua Tee Yong [Labis] minta **MENTERI PERDAGANGAN ANTARABANGSA DAN INDUSTRI** menyatakan apakah tindakan yang akan diambil oleh Kerajaan untuk memperbaiki kemudahan menjalankan perniagaan di negara serta mempertingkatkan ranking negara dari pangkat 12 di World Bank: Doing Business.
30. PR-1313-L57378
Tuan R. Sivarasa [Subang] minta **PERDANA MENTERI** menyatakan sama ada Kerajaan sedia membahar laporan tahunan Suruhanjaya Kebangsaan Hak Asasi Malaysia (SUHAKAM) dan menubuhkan satu Jawatankuasa di Parlimen khususnya untuk menyelia tajuk hak asasi
31. PR-1313-L57808
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **PERDANA MENTERI** menyatakan apakah cadangan Kerajaan untuk meningkatkan tahap efisiensi pengangkutan awam semasa dan jangka masa pendek untuk menggalakkan rakyat menggunakannya sekali gus membantu meringankan beban rakyat memandangkan kenaikan harga minyak dan Pengangkutan Awam/program rasionalisasi subsidi memberi kesan kepada perbelanjaan harian rakyat, terutamanya yang memiliki kenderaan.

32. PR-1313-L58937
Datuk Noor Ehsanuddin bin Mohd Harun Narrashid [Kota Tinggi] minta **MENTERI KEWANGAN** menyatakan adakah Kementerian Kewangan bercadang untuk mengurangkan subsidi barang-barang keperluan yang bersifat "*consumption*" sebaliknya penjimatan subsidi ini disalurkan sebagai insentif pelaburan contohnya dalam pelaburan pemilikan perumahan, saham dan sebagainya.
33. PR-1313-L57291
Tuan Oscar Ling Chai Yew [Sibü] minta **MENTERI KEWANGAN** menyatakan jumlah wang dipinjam oleh Kerajaan Negeri Sarawak daripada luar negara. Berapakah jumlah wang yang mengalir keluar dari Sarawak pada tahun 2005-2013.
34. PR-1313-L57530
Tuan Lim Kit Siang [Gelang Patah] minta **PERDANA MENTERI** menyatakan kenapa SPRM tidak mampu cemerlang seperti ICAC Hong Kong dalam membasmi rasuah walaupun undang-undang anti rasuah untuk 15 tahun yang lalu dicorakkan berdasarkan model Hong Kong, dan apakah pengajaran yang boleh didapati.
35. PR-1313-L57258
Laksamana Pertama Mohamad Imran bin Abd Hamid (B) [Lumut] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan bilakah bau busuk timbunan sampah dapat diatasi dengan menutup dan memindahkan tempat buangan sampah di Kg. Sg. Wangi Sitiawan, Perak segera dipindahkan ke Teluk Mengkudu tanpa lengah. Projek menutup tempat pembuangan sampah tersebut sepatutnya siap pada Disember 2012.
36. PR-1313-L58480
Tuan Ahmad Baihaki bin Atiqullah [Kubang Kerian] minta **MENTERI PENGANGKUTAN** menyatakan apakah syarat dan kriteria yang masih diperlukan oleh Lapangan Terbang Sultan Ismail Petra, Kota Bharu, Kelantan bagi membolehkan ia digunakan sebagai pengkalan untuk bakal haji menuju terus ke Mekah.
37. PR-1313-L57518
Puan Alice Lau Kiong Yieng [Lanang] minta **MENTERI PEMBANGUNAN WANITA, KELUARGA DAN MASYARAKAT** menyatakan :-
- (a) sama ada Kementerian mempunyai rancangan untuk menaikkan bantuan kebajikan ke tahap minimum RM550/sebulan dan meningkatkan bantuan kanak-kanak/bantuan ibu tunggal memandangkan RM100 untuk seorang anak adalah tidak mencukupi; dan
 - (b) sama ada Kementerian mempunyai rancangan untuk menghulurkan bantuan kebajikan kepada anak ibu tunggal sehingga umur 21 tahun atau lebih memandangkan banyak lagi anak yang berumur 18 tahun masih bersekolah.

38. PR-1313-L59110
Tuan Karpal Singh [Bukit Gelugor] minta **PERDANA MENTERI** menyatakan kes-kes yang tertangguh (*back-log of cases*) di pelbagai mahkamah-mahkamah di negara ini sehingga 30 September 2013.
39. PR-1313-L58043
Puan Teresa Kok Suh Sim [Seputeh] minta **MENTERI PENDIDIKAN** menyatakan bilangan universiti/kolej yang mempunyai kursus perubatan berbanding dengan jumlah penduduk di Malaysia. Nyatakan nisbah bilangan universiti/kolej perubatan berbanding dengan jumlah penduduk di UK, Kanada dan Australia, dan perancangan Kementerian untuk mengadakan keseimbangan di antara penduduk dan doktor di Malaysia.
40. PR-1313-L57467
Dr. Michael Jeyakumar Devaraj [Sungai Siput] minta **PERDANA MENTERI** menyatakan bila Kerajaan ingin melaksanakan kaedah menghitung pencen kakitangan Kerajaan tanpa mengehendkan tempoh perkhidmatan sepenuhnya seperti diumumkan pada 30 Januari 1996 oleh Ketua Pengarah Perkhidmatan Awam Malaysia pada takat itu.
41. PR-1313-L57728
Tengku Razaleigh Hamzah [Gua Musang] minta **MENTERI PERDAGANGAN ANTARABANGSA DAN INDUSTRI** menyatakan jumlah pelaburan yang negara terima bagi setengah tahun pertama 2013, sama ada jumlah itu melebihi atau kurang daripada yang dijangkakan bagi keseluruhan tahun ini, serta peluang-peluang pekerjaan bagi mereka yang lulus daripada pusat-pusat pengajian tinggi.
42. PR-1313-L58429
Dato' Johari bin Abdul [Sungai Petani] minta **PERDANA MENTERI** menyatakan :-
- (a) FELDA bercadang melabur dalam industri perhotelan. Senaraikan nama-nama hotel yang telah dan akan dibeli dan lokasi setiap hotel dan berapa harga terakhir setiap hotel tersebut; dan
 - (b) senaraikan semua pelaburan yang Bukan Berkaitan Perladangan (*Non-Agro Related Investment*) dalam dan luar negara sejak 1990 dan senaraikan pelaburan yang rugi dan jumlah kerugian.
43. PR-1313-L57600
Datuk Aaron Ago anak Dagang [Kanowit] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan kejayaan dasar penyeragaman harga barang keperluan asas di luar bandar terutama di Sarawak. Berapakah kos setiap tahun bagi tuntutan subsidi pengangkutan oleh kontraktor, pekedai dan peruncit di negeri Sarawak.

44. PR-1313-L58020
Tuan Sim Tong Him [Kota Melaka] minta **MENTERI PERDAGANGAN ANTARABANGSA DAN INDUSTRI** menyatakan tentang kedudukan projek Malaysian Kitchen. Berapakah jumlah kos keseluruhan untuk melaksanakan projek ini dan berapa buah "*Malaysian Kitchen*" telah beroperasi pada mulanya dan pada tahun ini berapa buah masih beroperasi dan berikan maklumat.
45. PR-1313-L58292
Datuk Jumat bin Idris [Sepanggar] minta **MENTERI PERTANIAN DAN INDUSTRI ASAS TANI** menyatakan :-
- (a) apakah langkah-langkah Kementerian untuk membantu nelayan pantai Sepanggar khususnya dan negeri Sabah amnya untuk meningkatkan lagi keupayaan mereka; dan
 - (b) berapa ramai nelayan di kawasan Sepanggar yang telah mendapat bantuan daripada Kementerian dan bolehkah Kementerian mendaftarkan lagi mereka yang belum disenaraikan.
46. PR-1313-L58433
Tuan Teo Kok Seong [Rasah] minta **PERDANA MENTERI** menyatakan secara terperinci hasil siasatan Suruhanjaya Pilihan Raya terhadap permintaan mengenai pembetulan keputusan PRU-13 bagi kawasan Parlimen Rasah.
47. PR-1313-L57766
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KEWANGAN** menyatakan sebab-sebab mengapa kadar kupon bon terbitan Syarikat 1Malaysia Development Berhad (1MDB) melampau lebih tinggi daripada kadar faedah bon terbitan Kerajaan Persekutuan dan kesannya ke atas syarikat berkenaan.
48. PR-1313-L57800
Dato' Abd. Aziz bin Haji Sheikh Fadzir [Kulim Bandar Baharu] minta **PERDANA MENTERI** menyatakan tindakan Kementerian dalam memastikan piawaian keselamatan kenderaan pengangkutan awam dipelihara dengan baik bagi mengelakkan tragedi kemalangan bas seperti di Genting Highlands kembali berulang.
49. PR-1313-L58646
Puan Teo Nie Ching [Kulai] minta **PERDANA MENTERI** menyatakan bilangan dan nama calon yang tidak mendapat deposit mereka oleh sebab kegagalan untuk menurunkan bahan publisiti selepas PRU13.
50. PR-1313-L57615
Tuan Sim Tze Tzin [Bayan Baru] minta **PERDANA MENTERI** menyatakan rasional Kerajaan menyaran agensinya mengiklan dalam Utusan Malaysia. Nyatakan jumlah pengiklanan yang dibelanjakan oleh kesemua agensi Kerajaan di Utusan pada tahun 2011 dan 2012.

51. PR-1313-L58041
Puan Teresa Kok Suh Sim [Seputeh] minta **MENTERI KESIHATAN** menyatakan sama ada bilangan hospital latihan doktor (*training hospital*) di negara kita cukup untuk menampung peningkatan graduan perubatan daripada universiti/kolej. Nyatakan bilangan hospital latihan doktor yang akan diadakan sehingga tahun 2020.
52. PR-1313-L57586
Puan Hajah Normala binti Abdul Samad [Pasir Gudang] minta **MENTERI PENDIDIKAN** menyatakan jumlah mahasiswi yang telah bergraduasi daripada institut pengajian tinggi dalam dan luar negara tetapi masih belum mendapatkan pekerjaan tetap sesuai dengan bidang yang mereka pelajari dan sebab-sebab berlakunya perkara sedemikian.
53. PR-1313-L57144
Dr. Ismail bin Daut [Merbok] minta **MENTERI PERTAHANAN** menyatakan adakah pihak Kementerian mempunyai rancangan untuk mengeluarkan senjata buatan sendiri yang lebih canggih, sesuai dengan iklim dan muka bumi Malaysia. Sekiranya pihak Kementerian tidak mempunyai teknologi, adakah pihak Kementerian memikirkan menggunakan teknologi "*reverse engineering*" untuk mengeluarkan senjata bagi memenuhi keperluan senjata masa kini.
54. PR-1313-L57507
Dato' Seri Abdul Hadi bin Awang [Marang] minta **MENTERI PERDAGANGAN ANTARABANGSA DAN INDUSTRI** menyatakan adakah perundingan telah dibuat dengan Kerajaan-Kerajaan Negeri sebelum Malaysia menyertai siri perundingan Trans Pasific Partnership Agreement (TPPA).
55. PR-1313-L57788
Tuan Er Teck Hwa [Bakri] minta **MENTERI SUMBER ASLI DAN ALAM SEKITAR** menyatakan senarai kawasan yang mempunyai bekalan kayu balak termasuk jumlah keluasan terkini, telah habis, kawasan yang diwartakan sebagai hutan simpan. Berapakah permohonan untuk aktiviti pembalakan di hutan simpan, kes pencerobohan hutan simpan, pendakwaan dan dihukum serta dibebaskan setiap tahun dari tahun 2008-2013.
56. PR-1313-L57400
Tuan Wong Chen [Kelana Jaya] minta **MENTERI KESIHATAN** menyatakan jika pihak Kerajaan ingin meneruskan skim insurans 1CARE yang telah dicadangkan dan tidak disenangi oleh orang ramai.
57. PR-1313-L58738
Tuan Loke Siew Fook [Seremban] minta **MENTERI KEWANGAN** menyatakan jumlah lesen mesin slot (*gaming slot machine*) yang telah dikeluarkan mengikut negeri dan kutipan hasil daripada lesen tersebut dari tahun 2010 hingga 2012.

58. PR-1313-L57912

Tuan Gooi Hsiao-Leung [Alor Setar] minta **MENTERI LUAR NEGERI** menyatakan menjelaskan kelambatan Kerajaan untuk mengesahkan "*ratify*" Statut Rome untuk menjadi ahli dalam Mahkamah Jenayah Antarabangsa (ICC).

ATURAN URUSAN MESYUARAT DAN USUL-USUL

1. (D.R. 21/2013) **Rang Undang-undang Perbekalan 2014 – Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(28 Oktober, 2013)**

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersestentangan dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (28 Oktober, 2013)

- | | | | |
|----|----------------|---|-------------------------------|
| 2. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | Bacaan Kali Yang Kedua |
| | | [Menteri Dalam Negeri] | |
| 3. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 4. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |
| 5. | (D.R. 18/2013) | Rang Undang-undang Pertaruhan Pool (Pindaan) 2013 | “ |
| | | [Menteri Kewangan] | |

6. (D.R. 15/2013) Rang Undang-undang Lambang dan Nama (Mencegah Penggunaan Tak Wajar) (Pindaan) 2013 “

[Menteri di Jabatan Perdana Menteri]

7. (D.R. 10/2013) Rang Undang-undang Kanun Tatacara Jenayah (Pindaan) 2013 “

[Menteri di Jabatan Perdana Menteri]

8. (D.R. 12/2013) Rang Undang-undang Keterangan (Pindaan) 2013 “

[Menteri di Jabatan Perdana Menteri]

9. (D.R. 19/2013) Rang Undang-undang Fi (Jabatan Muzium Malaysia) (Pengesahan) 2013 “

[Menteri Pelancongan dan Kebudayaan]

10. (D.R. 20/2013) Rang Undang-Undang Dadah Berbahaya (Pindaan) 2013 “

[Menteri Kesihatan]

11. PR-1313-U58205

Datuk Madius Tangau [Tuaran] akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

12. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

13. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

14. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

15. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

16. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

17. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

18. PR-1313-U59119

Dr. Tan Seng Giaw [Kepong] akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

(Menteri Kesejahteraan Bandar, Perumahan dan Kerajaan Tempatan)

19. PR-1313-U59120

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

(Menteri Pengangkutan)

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2013</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.56	Laporan Tahunan dan Penyata Kewangan Majlis Agama Islam Wilayah Persekutuan Bagi Tahun 2012	29 Oktober 2013